
OFFERYNNAU STATUDOL CYMRU

2018 No. 573

Rheoliadau Gwarcheidiaeth Arbennig (Cymru) (Diwygio) 2018

Adroddiadau

4.—(1) Mae'r Atodlen i Reoliadau 2005 (adroddiadau – materion a ragnodwyd at ddibenion adran 14A(8)(b) o'r Ddeddf) wedi ei diwygio fel a ganlyn.

(2) Ym mharagraff 2 o'r Atodlen (materion o ran y plentyn)—

- (a) yn is-baragraff (a) ar ôl “cartref” mewnosoder “(gan gynnwys ardal awdurdod lleol)”;
- (b) yn is-baragraff (b) yn lle “a statws mewnfudo” rhodder “(a statws mewnfudo pan fo'n briodol)”;
- (c) yn is-baragraff (c) cyn “disgrifiad corfforol” mewnosoder “ffotograff a”;
- (d) yn is-baragraff (ch) hepgorer “ac adroddiad ar iechyd y plentyn”;
- (e) yn is-baragraff (d) ar ôl “cred grefyddol” mewnosoder “(gan gynnwys manylion bedydd, confyrmasiwn (bedydd esgob) neu seremonïau cyfatebol)”;
- (f) yn lle is-baragraff (dd) rhodder—
 - “(dd) manylion unrhyw orchymyn a wnaed gan lys mewn cysylltiad â'r plentyn o dan y Ddeddf gan gynnwys—
 - (i) enw'r llys;
 - (ii) y gorchymyn a wnaed; a
 - (iii) y dyddiad y gwnaed y gorchymyn;”;
- (g) yn is-baragraff (e) yn lle “ag aelodau teulu'r plentyn” rhodder “â pherthnasau'r plentyn ac unrhyw berson arall y mae'r awdurdod lleol yn ystyried ei fod yn berthnasol”;
- (h) ar ôl is-baragraff (e) mewnosoder—
 - “(ea) unrhyw niwed y mae'r plentyn wedi ei ddioddef;
 - (eb) unrhyw risg o niwed yn y dyfodol i'r plentyn a berir gan rieni'r plentyn, ei berthnasau neu unrhyw berson arall y mae'r awdurdod lleol yn ystyried ei fod yn berthnasol;”;
- (i) ar ôl is-baragraff (f) mewnosoder—
 - “(fa) (a yw'r plentyn yn derbyn gofal neu wedi derbyn gofal gan awdurdod lleol neu a yw llety yn cael ei ddarparu iddo neu wedi cael ei ddarparu iddo gan sefydliad gwirfoddol, a manylion (gan gynnwys dyddiadau) unrhyw leoliadau gan yr awdurdod neu'r sefydliad;
 - (fb) a yw'r darpar warcheidwad arbennig yn rhiant maeth awdurdod lleol i'r plentyn;”;
- (j) yn lle is-baragraff (ff) rhodder—
 - “(ff) cyraeddiadau addysgol y plentyn ac a yw'r plentyn yn ddarostyngedig i ddatganiad anghenion addysgol arbennig o dan Ddeddf Addysg 1996(1);”;
- (k) yn lle is-baragraff (g) rhodder—

- “(g) asesiad o ddymuniadau a theimladau'r plentyn (gan roi sylw i oedran a dealltwriaeth y plentyn) ynghylch—
- (i) gwarcheidiaeth arbennig;
 - (ii) ei fagwraeth grefyddol a diwylliannol; a
 - (iii) cyswllt â'i berthnasau ac ag unrhyw berson arall y mae'r awdurdod lleol yn ystyried ei fod yn berthnasol;”;
- (l) ar ôl is-baragraff (g) mewnosoder—
- “(ng) y dyddiad yr aseswyd dymuniadau a theimladau'r plentyn ddiweddaf;
- (h) disgrifiad o bersonoliaeth y plentyn, ei ddatblygiad cymdeithasol a'i ddatblygiad emosiynol ac ymddygiadol ac unrhyw anghenion cysylltiedig ar hyn o bryd neu unrhyw anghenion tebygol yn y dyfodol;
 - (i) manylion am ddiddordebau'r plentyn, ei hoff bethau a'i gas bethau;
 - (j) hanes iechyd a disgrifiad o gyflwr iechyd y plentyn, gan gynnwys unrhyw driniaeth y mae'r plentyn yn ei chael; a
 - (l) enwau, cyfeiriadau a'r mathau o feithrinfeydd neu ysgolion a fynychwyd, gyda dyddiadau mynychu.”
- (3) Ym mharagraff 3 o'r Atodlen (materion o ran teulu'r plentyn)—
- (a) yn is-baragraff (a) yn lle “rhieni'r plentyn” rhodder “(a'r dyddiad y cadarnhawyd ei gyfeiriad ddiwethaf) pob un o rieni'r plentyn”;
 - (b) yn is-baragraff (b) yn lle “a statws mewnfudo” rhodder “(a statws mewnfudo pan fo'n briodol)”;
 - (c) ar ôl is-baragraff (b) mewnosoder—
 - “(ba) a oedd rhieni'r plentyn yn briod â'i gilydd ar adeg geni'r plentyn neu a briodasant wedi hynny ac a ydynt wedi ysgaru neu wedi gwahanu;”;
 - (d) yn is-baragraff (ch) cyn “a oes” mewnosoder “pan na fo rhieni'r plentyn yn briod,” ac ar ôl “am y plentyn” mewnosoder “ac, os felly, sut y'i caffaelwyd”;
 - (e) ar ôl is-baragraff (d) mewnosoder—
 - “(da) os na wyddys pwy yw'r naill riant neu'r llall na ble y mae, yr wybodaeth am y rhiant sydd wedi ei chanfod a chan bwy y cafwyd yr wybodaeth, a'r camau sydd wedi eu cymryd i gadarnhau mamolaeth neu dadolaeth yn ôl y digwydd;
 - (db) y berthynas a fu a'r berthynas bresennol rhwng rhieni'r plentyn â'i gilydd;”;
 - (f) yn is-baragraff (dd) cyn “disgrifiad” rhodder “ffotograff, os oes un ar gael, a”;
 - (g) ar ôl is-baragraff (dd) mewnosoder—
 - “(dda) pan fo ar gael, hanes iechyd pob un o'r rhieni, gan gynnwys manylion unrhyw salwch corfforol neu salwch meddwl difrifol, unrhyw glefyd neu anhwylder etifeddol neu anabled;”;
 - (h) ar ôl is-baragraff (f) mewnosoder—
 - “(fa) personoliaeth a diddordebau'r rhieni;”;
 - (i) yn lle is-baragraff (g) rhodder—
 - “(g) barn, dymuniadau a theimladau rhieni'r plentyn o ran—
 - (i) y cais am orchymyn gwarcheidiaeth arbennig o ran y plentyn;
 - (ii) magwraeth grefyddol a diwylliannol y plentyn; a
 - (iii) cyswllt â'r plentyn;”;

- (j) ar ôl is-baragraff (g) mewnosoder—
- “(ga) o ran pob un o frodyr a chwiorydd y plentyn sydd o dan 18 oed—
 - (i) y person y mae'r brawd neu'r chwaer yn byw gydag ef;
 - (ii) a yw'r brawd neu'r chwaer yn derbyn gofal gan awdurdod lleol neu a yw llety yn cael ei ddarparu iddo neu iddi gan sefydliad gwirfoddol; a
 - (iii) manylion unrhyw orchymyn llys a wnaed o ran y brawd neu'r chwaer o dan y Ddeddf gan gynnwys enw'r llys, y gorchymyn a wnaed a'r dyddiad y gwnaed y gorchymyn; ac”.
- (4) Ym mharagraff 4 (materion mewn perthynas â'r darpar warcheidwad arbennig neu, pan fydd dau berson neu fwy yn ddarpar warcheidwaid arbennig ar y cyd, pob un ohonynt)—
- (a) yn is-baragraff (a) ar ôl “cartref” mewnosoder “(gan gynnwys ardal awdurdod lleol)”;
 - (b) yn is-baragraff (b) yn lle “a statws mewnfudo” rhodder “(a statws mewnfudo pan fo'n briodol)”;
 - (c) yn is-baragraff (ch) cyn “disgrifiad” mewnosoder “ffotograff a”;
 - (d) ar ôl is-baragraff (d) mewnosoder—
 - “(da) os yw'r darpar warcheidwad arbennig yn aelod o gwpl ac yn gwneud cais ar ei ben ei hun am orchymyn gwarcheidiaeth arbennig, y rhesymau dros hyn;
 - (db) manylion unrhyw briodas, partneriaeth sifil neu berthynas arwyddocaol flaenorol;”;
 - (e) ar ôl is-baragraff (dd) mewnosoder—
 - “(dda) a yw'r darpar warcheidwad arbennig yn berthynas i'r plentyn;
 - (ddb) asesiad o berthynas y darpar warcheidwad arbennig ar hyn o bryd ac yn y gorffennol â'r plentyn, rhieni'r plentyn ac unrhyw berson perthynol;”;
 - (f) yn is-baragraff (f) ar ôl “arbennig” mewnosoder “, gan gynnwys manylion unrhyw salwch corfforol neu salwch meddwl difrifol, unrhyw glefyd neu anhwylder etifeddol neu anabledd”;
 - (g) yn is-baragraff (ff) ar ôl “gartref” mewnosoder “a chymdogaeth” ac ar ôl “incwm” mewnosoder “a gwariant”;
 - (h) yn is-baragraff (h) ar ôl “arbennig” mewnosoder “ac i ba raddau y mae'n deall natur ac effaith gwarcheidiaeth arbennig ac a yw'r darpar warcheidwad arbennig wedi trafod gwarcheidiaeth arbennig â'r plentyn”;
 - (i) yn lle is-baragraff (i) rhodder—
 - “(i) asesiad o gynneddf y darpar warcheidwad arbennig i fod yn rhiant, gan gynnwys—
 - (i) ei ddealltwriaeth o anghenion presennol y plentyn a'i anghenion tebygol yn y dyfodol a'i allu i ddiwallu'r anghenion hynny, yn benodol, unrhyw anghenion a all fod gan y plentyn sy'n codi o niwed y mae'r plentyn wedi ei ddioddef;
 - (ii) ei ddealltwriaeth o unrhyw risg bresennol o niwed i'r plentyn neu unrhyw risg o niwed i'r plentyn yn y dyfodol a berir gan rieni'r plentyn, ei berthnasau neu unrhyw berson arall y mae'r awdurdod lleol yn ystyried ei fod yn berthnasol, yn benodol o ran cyswllt rhwng unrhyw berson o'r fath a'r plentyn, a'i allu i amdiffyn y plentyn rhag unrhyw risg o'r fath;
 - (iii) ei allu, ei addasrwydd a'i ymrwymiad i fagu'r plentyn hyd nes iddo gyrraedd deunaw oed; a

- (iv) ei ddealltwriaeth o rôl gwarcheidwad arbennig a'i heffaith debygol ar ei fywyd;
- (ia) manylion unrhyw aelodau eraill o aelwyd y darpar warcheidwad arbennig a manylion unrhyw blant y darpar warcheidwad arbennig hyd yn oed os nad ydynt yn preswyllo yn yr aelwyd;
- (ib) manylion rhieni ac unrhyw frawd neu chwaer y darpar warcheidwad arbennig, gyda'u hoedrannau;
- (ic) manylion personoliaeth a diddordebau'r darpar warcheidwad arbennig;
- (ich) manylion unrhyw reithdrefnau llys teulu blaenorol y mae'r darpar warcheidwad arbennig wedi bod yn rhan ohonynt (na chyfeiriwyd atynt eto yn unman arall yn yr adroddiad);”;
- (j) yn lle is-baragraff (j) rhodder—
- “(j) manylion tri chanolwr personol y darpar warcheidwad arbennig, nad yw mwy nag un ohonynt yn perthyn i'r darpar warcheidwad arbennig, ac adroddiad o bob un o'r cyfweiliadau â'r canolwyr;”;
- (k) ar ôl is-baragraff (j) mewnosoder—
- “(ja) barn aelodau eraill o aelwyd y darpar warcheidwad arbennig a'r teulu ehangach (pan fo'n berthnasol) o ran y gorchymyn gwarcheidiaeth arbennig arfaethedig;
- (jb) asesiad o'r rhyngweithio rhwng pob un o aelodau aelwyd y darpar warcheidwad arbennig;
- (jc) asesiad o berthynas y plentyn â theulu'r darpar warcheidwad arbennig ar hyn o bryd a'r berthynas debygol rhyngddynt yn y dyfodol;
- (jch) unrhyw obeithion a disgwyliadau sydd gan y darpar warcheidwad arbennig ynghylch dyfodol y plentyn;
- (jd) dymuniadau a theimladau'r darpar warcheidwad arbennig o ran cyswllt ar hyn o bryd ac yn y dyfodol rhwng y plentyn a pherthnasau'r plentyn neu unrhyw berson arall y mae'r awdurdod lleol yn ystyried ei fod yn berthnasol;”;
- (l) yn is-baragraff (l) yn lle “.” rhodder “; ac”; a
- (m) ar ôl is-baragraff (l) mewnosoder—
- “(ll) o ran y darpar warcheidwad arbennig ac unrhyw aelod arall o aelwyd y darpar warcheidwad arbennig sy'n 18 oed neu drosodd, tystysgrif cofnod troseddol manwl a ddyroddir o dan adran 113B o Ddeddf yr Heddlu 1997(2) sy'n cynnwys gwybodaeth addasrwydd sy'n ymwneud â phlant (o fewn ystyr adran 113BA(2) o'r Ddeddf honno).”
- (5) Ym mharagraff 5 (materion mewn perthynas â'r awdurdod lleol a luniodd yr adroddiad)—
- (a) yn is-baragraff (d) ar ôl “riant y plentyn” mewnosoder “a'r cyfnod y mae'r gwasanaethau hynny i gael eu darparu ar ei gyfer”; a
- (b) ar ôl paragraff (d) mewnosoder—
- “(da) pan fydd yr awdurdod lleol wedi penderfynu peidio â darparu gwasanaethau cymorth gwarcheidiaeth arbennig, y rhesymau pam;”.
- (6) Ym mharagraff 6 (materion o ran y casgliadau yn yr adroddiad)—
- (a) yn is-baragraff (b)—

- (i) yn lle paragraff (v) rhodder—
 - “(v) effaith gwneud y gorchymyn gwarcheidiaeth arbennig ar rieni'r plentyn, darpar warcheidwad arbennig y plentyn a'i deulu ac unrhyw berson arall y mae'r awdurdod lleol yn ystyried ei fod yn berthnasol;”;
 - (ii) ym mharagraff (vi) ar ôl “plentyn;” hepgorer “ac”;
- (b) yn is-baragraff (c) yn lle “.” rhodder “; ac”;
- (c) ar ôl is-baragraff (c) mewnosoder—
 - “(ch) argymhelliad o ran y trefniadau y dylid eu rhoi ar waith ar gyfer cyswllt rhwng y plentyn a pherthnasau'r plentyn neu unrhyw berson arall y mae'r awdurdod lleol yn ystyried ei fod yn berthnasol.”